

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćen tekst i broj 37/14 - Ispravka), te člana 12. stav (4) Zakona o ublažavanju negativnih ekonomskih posljedica i uštedama u Kantonu Sarajevo ("Službene novine Kantona Sarajevo", broj 18/20 i 46/20), Vlada Kantona Sarajevo, na Petoj sjednici održanoj 28.01.2021. godine, donijela je

## ODLUKU

### I

Daje se saglasnost Ministarstvu za odgoj i obrazovanje i budžetskim korisnicima iz nadležnosti Ministarstva za odgoj i obrazovanje - JU Djeca Sarajeva, osnovne i srednje škole za izuzeće primjene člana 12. stav (1) Zakona o ublažavanju negativnih ekonomskih posljedica i uštedama u Kantonu Sarajevo ("Službene novine Kantona Sarajevo", broj 18/20 i 46/20).

### II

U vezi sa tačkom I ove odluke daje se saglasnost za isplatu sredstava za sljedeće:

- stručna obrazovanja: stručna edukacija certificiranih računovođa, stručna edukacija iz oblasti javnih nabavki, stručna edukacija iz oblasti protivpožarne zaštite i zaštite na radu i to samo za edukacije koje se organizuju u Kantonu Sarajevo,
- ugovore o djelu, ugovore o privremenim i povremenim poslovima: izrada rasporeda časova, mentorstvo, zamjena za bolovanje, angažovanje za izvođenje nastavnog procesa do završetka konkursne procedure, angažovanje u produženom boravku, realizacija vanrednog polaganja ispita, izdavanje prepisa dokumenata, angažovanje certificiranih računovođa za izradu i ovjeru godišnjih obračuna, realizacija međunarodnih programa.

### III

Sredstva iz tačke II ove odluke isplatit će se iz Budžeta Kantona Sarajevo za 2021. godinu, razdio Ministarstvo za odgoj i obrazovanje, organizacioni kod budžetskog korisnika koji isplaćuje sredstva, odnosno iz budžeta svakog budžetskog korisnika.

### IV

Za realizaciju ove odluke zadužuju se budžetski korisnici iz nadležnosti Ministarstva za odgoj i obrazovanje, Ministarstvo za odgoj i obrazovanje Kantona Sarajevo i Ministarstvo finansija Kantona Sarajevo.

### V

Ova odluka stupa na snagu danom donošenja i objavit će se u "Službenim novinama Kantona Sarajevo".

Broj 02-04-2278-16/21

28. januara 2021. godine  
Sarajevo

Premijer  
**Edin Forto**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na Petoj sjednici održanoj 28.01.2021. godine, donijela je

## ODLUKU

### O IZMJENAMA I DOPUNI ODLUKE O UTVRĐIVANJU DOMENE I PODDOMENA INTERNET PORTALA I ADRESA ELEKTRONSKE POŠTE U KANTONU SARAJEVO

#### I

U Odluci o utvrđivanju domene i poddomena internet portala i adresa elektronske pošte u Kantonu Sarajevo ("Službene novine Kantona Sarajevo", broj 31/09, 52/12, 17/15, 25/17, 17/18, 17/19 i 52/20) u tački IV. tekst:

"Ministarstvo prostornog uređenja, građenja i zaštite okoliša:

<http://mpz.ks.gov.ba>"

zamjenjuje se sljedećim tekstom:

"Ministarstvo komunalne privrede, infrastrukture, prostornog uređenja, građenja i zaštite okoliša:  
<http://mkipgo.ks.gov.ba>".

#### II

U tački IV. iste Odluke, tekst:

"Ministarstvo za obrazovanje, nauku i mlade:

<http://mon.ks.gov.ba>"

zamjenjuje se sljedećim tekstom:

"Ministarstvo za nauku, visoko obrazovanje i mlade:

<http://mon.ks.gov.ba>".

#### III

U tački IV. iste odluke, nakon teksta:

"Ministarstvo za nauku, visoko obrazovanje i mlade:

<http://mon.ks.gov.ba>"

dodaje se sljedeći tekst:

"Ministarstvo odgoj i obrazovanje:

<http://mo.ks.gov.ba>".

#### IV

Za provođenje ove odluke zadužuje se zavod za informatiku i statistiku Kantona Sarajevo.

#### V

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-2278-7/21  
28. januara 2021. godine  
Sarajevo

Premijer  
**Edin Forto**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na Petoj sjednici održanoj 28.01.2021. godine, donijela je

## ODLUKU

### O REGISTRU PODATAKA O JAVNIM NABAVKAMA KOJE PROVODE INSTITUCIJE ČIJI JE OSNIVAČ KANTON SARAJEVO

#### Član 1.

(Predmet regulisanja)

- (1) Ovom Odlukom propisuje se način vođenja Registra podataka o javnim nabavkama koje provode institucije čiji je osnivač Kanton Sarajevo (u daljem tekstu: Registar), obaveza unosa podataka, odgovornost za blagovremenost i autentičnost podataka, rokovi unosa podataka i uređuju druga pitanja koja se odnose na Registar.
- (2) Preporučuje se općinama na teritoriji Kantona Sarajevo i Gradu Sarajevo da pristupe ovoj odluci, a u svrhu prevencije mogućih nezakonitosti ili nesvršishodnosti u postupcima provođenja javnih nabavki.

(3) Pristupanje iz stava (2) ovog člana vrši se donošenjem odluke od strane načelnika, odnosno Gradonačelnika, koja sadrži izričito ovlaštenje Uredu za borbu protiv korupcije i upravljanje kvalitetom za obradu podataka koji su predmet ove odluke, a koju dostavljaju Vladi Kantona Sarajevo i Uredu za borbu protiv korupcije i upravljanje kvalitetom.

Član 2.  
(Primjena Odluke)

- (1) Odluku o Registru podataka o javnim nabavkama koje provode institucije čiji je osnivač Kanton Sarajevo (u daljem tekstu: Odluka) dužne su primjenjivati sve institucije čiji je osnivač Kanton Sarajevo (u daljem tekstu: Institucije).
- (2) U Registar se evidentiraju podaci na način predviđen u Uputstvu za unos podataka u Registar javnih nabavki preko Web aplikacije.

Član 3.  
(Rodna neutralnost izraza)

Riječi i pojmovi koji imaju rodno značenje korišteni u ovoj Odluci odnose se jednako na muški i ženski rod, bez obzira jesu li korišteni u muškom ili ženskom rodu.

Član 4.  
(Svrha uspostavljanja Registra)

Registar iz člana 1. ove Odluke, služi kao jedinstvena evidencija podataka o javnim nabavkama u Institucijama iz člana 2. ove Odluke koje provode javne nabavke, a u svrhu prevencije mogućih nezakonitosti ili nesvrhsishodnosti u postupcima provođenja javnih nabavki.

Član 5.  
(Sadržaj podataka u Registru)

- (1) Ured za borbu protiv korupcije i upravljanje kvalitetom Kantona Sarajevo (u daljem tekstu: Ured) donosi Uputstvo za unos podataka u Registar javnih nabavki preko web aplikacije, kojim definiše sadržaj podataka u Registru.
- (2) Ured može vršiti korekciju podataka u Registru u smislu dodavanja novih i brisanja postojećih podataka, a sve u svrhu tehničkog unapređenja Registra.

Član 6.  
(Obaveza unosa podataka)

- (1) Podatke o javnim nabavkama koje provode, Institucije iz člana 2. Odluke u Registar unose u skladu sa odredbama ove Odluke.
- (2) Institucije iz člana 2. Odluke, putem ovlaštenih osoba kojima su dodijeljeni pristupni podaci, vrše neposredan unos podataka o javnim nabavkama koje provode u Registar, a putem web aplikacije koju je uspostavio Ured.
- (3) Podaci o provedenim postupcima javnih nabavki biće dostupni putem jedinstvenog informacionog sistema implementiranog na multimodularni softver kojim upravlja Ured (Anti-CorruptiKS softver).
- (4) Institucije iz člana 2. Odluke koje nisu imenovale lica za neposredan unos podataka u Registar, dužne su imenovati navedena lica i dostaviti Uredu podatke o imenovanju u roku od 5 dana od dana stupanja na snagu ove Odluke.
- (5) Sve izmjene o imenovanim lica iz ovog člana, Institucije iz člana 2. dostavljaju Uredu u roku ne dužem od 5 dana.

Član 7.  
(Blagovremenost i autentičnost podataka)

- (1) Institucije iz člana 2. Odluke vrše unos podataka o javnim nabavkama po fazama provođenja postupka javne nabavke u Registar, a najkasnije u roku 15 dana od dana okončanja postupka javnih nabavki.

- (2) Unos podataka vrši se na osnovu dokumentacije koja je nastala u postupku pokretanja, provođenja i realizacije javne nabavke.
- (3) Za autentičnost i tačnost unesenih podataka o javnim nabavkama odgovorne su Institucije iz člana 2. ove odluke.

Član 8.

(Uspostava, vođenje i upravljanje Registrom)

- (1) Ured uspostavlja i vodi Registar iz člana 1. Odluke.
- (2) Upravljanje Registrom, praćenje rokova za unos podataka, reagovanje prema Institucijama u slučaju nepoštivanja ove Odluke u bilo kom segmentu u nadležnosti je Ureda.

Član 9.

(Nadzor nad primjenom Odluke)

- (1) Odredbe ove odluke obavezno se primjenjuju na sve Institucije iz člana 2. Odluke.
- (2) Neprimjenjivanje i/ili nepoštivanje odredbi ove odluke predstavlja osnov za razrješenje odgovornog lica, koju pokreće organ nadležan za njegovo razrješenje.
- (3) Nadzor nad primjenom Odluke vrši Ured.

Član 10.

(Stavljanje van snage ranije Odluke)

Stupanjem na snagu ove Odluke stavlja se van snage Odluka o bazi podataka o javnim nabavkama za korisnike budžeta u Kantonu Sarajevo ("Službene novine Kantona Sarajevo", broj 49/16).

Član 11.

(Stupanje na snagu)

Ova Odluka stupa na snagu narednog dana od dana objavljivanja u "Službenim novinama Kantona Sarajevo", a primjenjivat će se od 01.02.2021. godine.

Broj 02-04-2278-15/21  
28. januara 2021. godine  
Sarajevo

Premijer  
**Edin Forto**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 12. stav (4) Zakona o ublažavanju negativnih ekonomskih posljedica i uštedama u Kantonu Sarajevo ("Službene novine Kantona Sarajevo", broj 18/20 i 46/20), Vlada Kantona Sarajevo, na Petoj sjednici održanoj 28.01.2021. godine, donijela je

**ODLUKU**

**O DAVANJU SAGLASNOSTI JAVNOJ USTANOVI  
"HISTORIJSKI ARHIV SARAJEVO" ZA ISPLATU  
NAKNADE ČLANOVIMA KOMISIJE ZA POLAGANJE  
ARHIVISTIČKOG ISPITA I STICANJE OSNOVNIH I  
VIŠIH STRUČNIH ZVANJA U ARHIVSKOJ  
DJELATNOSTI**

**I**

Daje se saglasnost Javnoj ustanovi "Historijski arhiv Sarajevo" za isplatu naknade članovima Komisije za polaganje arhivističkog ispita i sticanje osnovnih i viših stručnih zvanja u arhivskoj djelatnosti, sa pozicije Javne ustanove "Historijski arhiv Sarajevo" - ekonomski kod 613 900 ugovorene usluge.

**II**

Ova odluka stupa na snagu danom donošenja, a objavit će se u "Službenim novinama Kantona Sarajevo."

Broj 02-04-2278-17/21  
28. januara 2021. godine  
Sarajevo

Premijer  
**Edin Forto**, s. r.